

22/09/2000

Hala tuju saingan globalisasi

SHAH ALAM, Khamis - Masanya sudah tiba untuk negara membangun yang kecil untuk memikirkan hala tuju mereka dalam saingan globalisasi, kata Setiausaha Parlimen Kementerian Pendidikan, Datuk Mahadzir Mohd Khir.

Beliau yang juga Pengerusi Jawatankuasa Penganjur Persidangan Antarabangsa Mengenai Peranan Media di Negara-negara Berkecuali, berkata negara-negara membangun yang kecil perlu memikirkan dengan serius mengenai perkara itu.

Sehubungan itu, Mahadzir berkata Persidangan Antarabangsa Mengenai Peranan Media di Negara-negara Berkecuali, diilhamkan sejak beberapa bulan lalu untuk sama-sama membincangkan perkara itu.

"Kita semua perlu bertanya kepada diri sendiri, ke mana arah yang akan dituju," katanya pada majlis perasmian persidangan itu.

Persidangan yang dihadiri oleh kira 400 perwakilan dalam dan luar negara dirasmikan Perdana Menteri, Datuk Dr Mahathir Mohamad.

Persidangan itu anjuran bersama Persatuan Wartawan Melayu Malaysia, Pertubuhan Belia dan Pelajar Berkecuali (Nasyo) wilayah Asia Timur dan Kerajaan Negeri Selangor.

Turut hadir ialah Menteri Besar Selangor, Datuk Dr Mohd Khir Toyo.

(END)